

本草經疏



南京中医药大学图书馆版权所有

本艸經疏卷三

玉石部上品

自總七十三種今疏其要者一十四種

丹砂 雲母 石鍾乳 礬石

芒硝 朴硝 玄明粉 滑石

空青 紫石英 赤石脂 無名異

綠礬 鐵鑛

丹砂味甘微寒無毒主身體五藏百病養精神安魂魄
益氣明目通血脈止煩滿消渴益精神悅澤人面殺精
魅邪惡鬼除中惡腹痛毒氣疥癩諸瘡久服通神明不
老輕身神仙能化爲汞作末名真朱光色如雲母可析



者良

惡磁石
畏鹹水

〔疏〕丹砂本稟地二之火氣以生而兼得乎天七之氣以成色赤法火中含水液爲龍爲汞亦曰陰精七爲陽火之少故味甘微寒而無毒蓋指生砂而言也藥性論云丹砂君爲清鎮少陰君火之上藥辟除鬼魅百邪之神物安定神明則精氣自固火不妄炎則金木得平而魂魄自定氣力自倍五臟皆安則精華上發故明目心主血脈心火寧謐則陰分無熱而血脈自通煩滿自止消渴自除矣殺精魅邪惡鬼除中惡腹痛者陽明神物故應辟除不祥消散陰惡殺厲之氣也久服通神明不老者古之真人飛丹煉石引納

清和配以金鉛按之法象自能合丹道而成變化也
青霞子及太清服煉靈砂法云能重能輕能暗能明
能黑能白能神能靈一斛入擊力難舉升萬斤遇水
輕速上騰鬼神尋求莫知所在先稟氣於甲受氣於
丙出胎見壬結魄成庚增光歸戊陰陽升降各本其
原非虛語矣

主治參互

丹砂研飛極細令狀如飛塵以甘艸生地黃濃煎調
分許與兒初生時服之能止胎驚解胎毒 同真珠
琥珀金箔牛黃生犀角天竺黃滑石末治小兒急驚
有神 入六一散治暑氣伏於心經神昏口渴及泄

瀉如火熱 入補心丹鎮心神定魂魄 入乳香托
裏散散癰疽熱毒發熱疼痛及毒氣攻心發譫語

簡誤

丹砂爲入石之主故列石部之首體中含汞汞味本
辛故能殺蟲殺精魅宜乎藥性論謂其有大毒若經
伏火及一切烹煉則毒等砒礪服之必斃自唐以來
上而人主下而搢紳曾餌斯藥鮮克免者戒之戒之
雲母味甘平無毒主身皮死肌中風寒熱如在車船上
除邪氣安五藏益子精明目下氣堅肌續絕補中療五
勞七傷虛損少氣止痢久服輕身延年悅澤不老耐寒
暑志高神仙一名雲珠色多赤一名雲華五色具一名

雲英色多青一名雲液色多白一名雲砂色青黃一名

磷石色正白

澤瀉爲之使忌羊血用礬石則柔爛

〔疏〕雲母本經載其味甘氣平詳其主治亦應有溫轉

保昇曰雲母色白而主肺此石藥中溫良之品也以

其法金故主身皮死肌及中風寒熱如在車船上甘

能緩溫能和故除邪氣石性鎮墜能使火下火下則

水上是既濟之象也故安五臟益子精明日久服輕

身延年別錄主下氣堅肌續絕補中療五勞七傷虛

損少氣久服悅澤不老耐寒暑志高神仙皆此意也

其曰止痢者久痢則腸胃俱虛甘溫足以回其虛下

墜足以去其積故亦主之也

主治參互

雲母得鉛丹熬成膏可貼一切癰疽瘡毒和以昇丹
細末更著奇效 經驗方云青城山丈人觀主康道
豐治百病雲母粉方用雲母一斤析開揉入大瓶內
築實封固以十斤頂火煨赤取出卻拌香菝紫連翹
艸二件合搗如泥後以夾絹袋盛於大水盆內搖取
粉餘滓未盡再添艸藥重搗取粉以木盆一面貯灰
於灰上印一淺坑鋪紙傾粉在內候乾焙之以麩糊
丸梧子大遇有疾者服之無不效知成都府辛諫議
曾患大風眾醫不愈道豐進此服之神驗 千金方
服食雲母法上白雲母二十斤薄劈以露水入斗作

湯分半淘淨二次又作二斗湯納芒硝十斤木器中
浸二十日取出絹袋盛懸屋上勿見風日令燥以鹿
皮爲囊揉之從旦至午篩滓復揉得好粉二十斤攪
糊入竹筒內薄削封口漆固北垣南下入地六尺覆
土春夏四十日秋冬三十日出之當成水若洞洞不
消更埋三十日此水能治萬病及勞氣風疼每以溫
水一合和服之日三服十日小便當變黃二十日腹
中寒澀消三十日齟齒更生四十日不畏風寒五十
日諸病皆愈顏色日少長生神仙 深師方治痰飲
頭痛往來寒熱雲母粉二兩鍊過常山一兩爲末每
服方寸匕湯服取吐忌生芎生菜 仲景金匱方治

牝瘡多寒雲母燒二日夜龍骨蜀漆燒去腥等分爲末發前漿水服半錢 千金方治赤白久痢積年不愈飲調雲母粉方寸匕服神效 又方治婦人帶下水和雲母粉方寸匕服神效 積德堂方治婦人難產經日不生雲母粉半兩溫酒調服入口卽產不順者卽順萬不失一陸氏云此是何德揚方也已救三五十人 千金方治風癩徧身百計不愈煨雲母粉清水調服二錢良 又方治一切惡瘡用雲母粉傅之 聖惠方治火瘡敗壞雲母粉和生羊髓傅之 事林廣記治金瘡出血雲母粉敷之絕妙 千金翼方治風熱汗出水和雲母粉服三錢不過再服立愈

離簡誤

雲母性雖甘平終屬石種與臟腑氣血實非同類

宜用以治病取效若夫益精明目輕身延年耐寒暑

志高神仙皆必不然之論也姑俟世人試過乃敢信

耳

石鍾乳味甘溫無毒主欬逆上氣明目益精安五藏通

百節利九竅下乳汁益氣補虛損療腳弱疼冷下焦傷

竭強陰久服延年益壽好顏色不老令人有子不煉服

之令人淋

蛇牀為之使惡牡丹玄參紫石英

疏石鍾乳稟石之氣而生本經謂其味甘氣溫無毒

吳普曰神農辛斯言近之甄權以為有大毒或是經

火之故應云味甘辛氣大溫其性得火則有大毒乃
爲得之其主欬逆上氣者以氣虛則不得歸元發爲
斯證乳性溫而鎮墜使氣得歸元則病自愈故能主
之也通百節利九竅下乳汁者辛溫之力也療腳弱
疼冷者亦是陽氣下行之驗也甄權主寒嗽通聲者
辛以散邪結溫以祛寒氣故也其他種種補益之說
當是前人好事者溢美之辭夷考其性恐無是理未
足信也

主治參互

石鍾乳得牛黃白蠟象牙末眞珠乳香沒藥樺皮灰
龜板灰俱存性細研枯白礬蛀竹屑紅鉛治廣瘡結

毒爛壞鼻梁及陰蝕陽物有神 孫真人千金翼鍾

乳煎治風虛勞損腰腳無力補益強壯用鍾乳粉煉

成者三兩以來絹袋盛之牛乳一大升煎減三之

去袋飲乳分二服日一作不吐不利虛冷人微澹無

所苦一袋可煮三十度力盡別作袋每服訖須濯淨

令通氣其滓和麩煨雞子食之此崔尚書方也 宣

明方治一切勞嗽胸膈痞滿焚香透膈散用鵝管石

雄黃佛耳艸欵冬花等分爲末每用一錢安香爐上

焚之以筒吸煙入喉中日二次 聖濟錄治肺虛喘

急連綿不息生鍾乳粉光明者五錢蠟三兩化和飯

甌內蒸熟研丸如梧子大每水下一丸 外臺秘要

治乳汁不通氣少血衰脈蹇不行故少乳煉成鍾乳
粉二錢濃煎漏蘆湯調下或通艸等分爲末米飲服
方寸七日三服

簡誤

石鍾乳辛溫若加火煨有毒無疑縱治虛寒尙須審
察况病涉溫熱者耶世人病陰虛有熱者十之九陽
虛內寒者百之一是以自唐迄今因服鍾乳而發病
者不可勝紀服之而獲效得力者不聞一二其於事
理可以燭照經曰石藥之性悍味斯言也則其大畧
可槩見已慎毋輕信方士之言致蹈前人覆轍尊生
之士宜安常處順以道理自持修短有命無惑乎長

年之說庶不爲其所誤矣

礬石味酸寒無毒主寒熱洩痢白沃陰蝕惡瘡目痛墜
骨齒除固熱在骨髓去鼻中息肉煉餌服之輕身不老
增年岐伯云久服傷人骨能使鐵爲銅生河西山谷及

隴西武都石門

甘肅爲之使惡
牡蠣畏麻黃

〔疏〕礬石味酸氣寒而無毒其性燥急收澀解毒除熱
墜濁蓋寒熱洩痢皆溼熱所爲婦人白沃多由虛脫
澀以止脫故也陰蝕惡瘡亦緣溼火目痛多由風熱
除固熱在骨髓墜齒者髓爲熱所劫則空故骨痿而
齒浮礬石入骨除熱故亦主之去鼻中息肉者消毒

除熱燥溼之功也

主治參互

礬石卽白礬得巴豆同煨令枯取礬研末以鵝翎管吹入喉中流出熱涎立解喉痺其證俗呼爲纏喉風是也 皮膚疥癬膿窠坐板肥疔等瘡皆資其用各合所宜以施之 得硫黃雄黃白附子海金沙蜜陀僧擦汗斑殊效一年者去皮一次十年者去皮十次擦後坐臥勿當風勿行房搖扇 制半夏能散溼痰及食積痰兼除五飲 同芒硝可燒水銀成粉治一切瘡中有蟲 得黃蠟和丸名蠟礬丸治一切腫毒有神凡治癰疽當服之以護膜膜苟不破雖劇必瘥 陳師古方中風痰厥四肢不收氣閉膈塞者白礬

一兩牙皂角五錢爲末每服一錢溫水調下吐痰爲度
簡要濟眾方牙齒腫痛白礬一兩燒灰大露蜂
房一兩微炙每二錢水煎含漱去涎 千金方鼻中
息肉用明礬一兩蓖麻仁七粒鹽梅肉五箇麝香一
字搗丸綿裹塞之化水自下也 夏子益奇疾方發
斑怪證有人眼赤鼻張大喘渾身出斑毛髮如銅鐵
乃熱毒氣結於下焦也白礬滑石各一兩爲末水三
盞煎減半不佳服盡卽安 永類鈴方爛弦風眼白
礬煨一兩銅青三錢研末湯泡澄清點洗 千金方
腳氣衝心白礬三兩水一斗五升煎沸浸洗 張仲
景金匱方女勞黃疸目晡發熱而反惡寒膀胱急少

腹滿目盡黃額上黑足下熱因作黑疸其腹脹如水
狀大便必黑時澹此女勞之病非水也自大勞大熱
交接後入水所致腹滿者難治用礬石燒消石熬黃
等分爲散以大麥粥汁和服方寸匕日三服病從大
小便去 又金匱方婦人白沃經水不利子臟堅癖
中有乾血下白物用礬石燒杏仁一分研勻蜜丸棗
核大納入腸中日一易之 千金翼婦人陰脫作痒
礬石燒研空心酒服方寸匕日三 劉禹錫傳信方
蛇咬蝎螫燒刀矛頭令赤置白礬於上汁出熱滴之
立瘥此神驗之方也

簡誤

白礬本經主寒熱洩痢此蓋指洩痢久不止虛脫滑洩因發寒熱礬性過澀澀以止脫故能主之假令溼熱方熾積滯正多誤用收澀爲害不一慎之婦人白沃多由虛脫故用收澀以固其標終非探本之治目痛不出弩肉及有外障亦非所宜除固熱在骨髓僅可資其引導若謂其獨用反有損也礬性燥急而能劫水故不利齒骨齒者骨之餘故也岐伯云久服傷人骨故凡陰虛內熱火熾水涸發爲咽喉痛者不宜含此目痛由陰虛血熱者亦不宜用劫水損骨之藥豈可煉服輕身不老增年徒虛語耳

芒硝味辛苦大寒主五藏積聚久熱胃閉除邪氣破留

血腹中痰食結搏通經脈利大小便及月水破五淋推
陳致新生於朴硝

〔疏〕芒硝稟天地至陰極寒之氣所生故味苦辛性大
寒乃太陰之精以消物爲性故能消五金入石况乎
五臟之積聚其能比之金石之堅哉久熱卽是邪熱
傷寒熱邪結中焦或停飲食則胃脹閉少少投之可
立蕩除除邪氣者寒能除熱故也破留血者鹹能軟
堅辛能散結也邪熱盛則經脈閉熱淫於內治以鹹
寒結散熱除則經脈自通二便自利月水復故五淋
中惟石淋膏淋爲膠結難解病由於積熱非得辛苦
大寒之藥以推蕩消散之不能除也推陳致新總述

其體用之功耳由朴硝再煎而成故曰生於朴硝

亦節主治參互

入仲景大承氣湯治傷寒七八日後邪結下焦少腹

按之堅痛下之愈 又治傷寒邪熱失汗蓄血少腹

或先因內傷留血下焦入桃仁承氣湯下之愈 干

金方療漆瘡用湯漬芒硝令濃塗之如乾即易之

子母秘錄治小兒赤遊行於體上下至心即死以芒

硝納湯中取濃汁以拭丹上 百一選方治療關格

大小便不通脹滿欲死兩三日則殺人以芒硝三兩

紙裹三四重炭火燒之令內一升湯中盡服當先飲

湯一升已吐出乃服之 孫真人食忌主眼有翳取



芒硝一大兩置銅器中急火上煉之放冷後以生絹
細羅點眼角中每夜欲臥時一度點妙 姚和眾方

治小兒重舌馬牙硝塗於舌上下三日效 簡要濟

眾方治小兒鵝口用馬牙硝擦舌上日五度效 梅

師方治火燄丹毒水調芒硝末塗之 信效方治死

胎不下用芒硝末二錢童便溫服 三因方治風熱

喉痺及纏喉風玉鑰匙用燄硝一兩半白殭蠶一錢

白礬砂半兩腦子一字研勻取少許數數吹之 普

濟方治重舌鵝口用竹瀝同燄硝點之

朴硝味苦辛寒大寒無毒主百病除寒熱邪氣逐六府

積聚結固留癖胃中食飲熱結破留血閉絕停痰痞滿

推陳致新能化七十二種石煉餌服之輕身神仙煉之
白如銀能寒能熱能滑能澀能辛能苦能鹹能酸入地
千歲不變色青白者佳黃者傷人赤者殺人

〔疏〕朴硝乃初次煎成者其氣味烈於芒硝主治皆同
總爲除邪熱逐六腑積聚結固留癖胃中食飲停滯
因邪熱結停痰痞滿破留血閉絕之要藥與芒硝功
用曾無少別文具芒硝條下茲不復疏

主治參互

但法載藥錄卷五

聖惠方治時氣頭痛不止用朴硝二兩搗羅爲散用
生油調塗於頂上又方治乳石發動煩悶及諸風
熱用朴硝煉成者半兩細研如粉每服以蜜水調下



一錢七日三四服 簡要濟眾治小便不通膀胱熱
白花散朴硝不以多少研爲末每服二錢七溫茴香
酒調下無時服 入紫雪療傷寒溫疫溫瘧一切積
熱煩熱狂呼叫走瘴疫毒癘卒死腳氣五尸五注
腹諸疾疔刺切痛解諸熱毒邪熱發黃蠱毒鬼魅野
道熱毒小兒驚癇百病黃金一百兩石膏寒水石磁
石滑石各三斤搗碎水一斛煮四斗去滓入犀角屑
羚羊角屑青木香沈香各五兩玄參洗焙升麻各一
斤炙甘草八兩丁香一兩入前汁中煮取一斗五升
去滓入煉朴硝十斤消石三十二兩於藥汁中微火
煎之用柳木不住攪至水氣欲盡傾水盆中待欲凝

入麝香一兩二錢半硃砂末三兩攪勻收之每服

二錢凉水服臨時加減甚者一兩碧雪治一切積

熱天行時疾發狂昏憤或咽喉腫塞口舌生瘡心中

煩躁或大小便不通胃火諸病朴硝芒硝馬牙硝硝

石石膏水飛寒水石水飛各一斤以甘草一斤煎水

五升入諸藥同煎不住手攪令消鎔得所入青黛一

斤和勻傾盆內經宿結成雪爲末每含嚥或吹之或

水調服二三錢欲通利則熱水服一兩劉禹錫傳

信方治熱壅甘露飲涼胸膈驅積滯芒硝末一大斤

用蜜十二兩和勻入新竹筒內半筒已上卽止不得

令滿卻入炊甑中令有藥處在飯內其虛處出在上

蒸之候飯熟取出綿濾入磁鉢內竹筴攪勻勿停手

待凝取入磁盒每臥時含半匙漸漸嚥之如要通利

即多服之 簡便方治赤眼腫痛朴硝置豆腐上蒸

化取汁收點 外臺秘要治喉痺腫痛用朴硝一兩

細細含嚥立效或加丹砂一錢氣塞不通加生甘艸

二錢半吹之 孫真人方治口舌生瘡用朴硝含之

良 夏子益奇疾方灸瘡飛蝶因艾灸火瘡痂退落

瘡內鮮肉片子飛如蝶狀騰空飛去痛不可言是血

肉俱熱怪病也用朴硝大黃各半兩為末水調下微

利即愈 史記倉公傳云菑川王美人懷子不乳來

召涪于意意往飲以葇荈藥一撮以酒飲之旋乳意



復診其脈躁躁者有餘病卽飲以消石一劑出血益
比五六枚而安此去蓄血之驗也 炮炙論治頭痛
欲死用消石末吹鼻中卽愈 聖惠方治赤眼腫痛
用消石末臨臥時以銅箸點黍米大入目眦至旦以
鹽水洗去之

玄明粉味甘性冷無毒治心熱煩躁並五藏宿滯癥
結明目退膈上虛熱消腫毒此卽朴硝煉成者

〔疏〕玄明粉卽芒硝投滾湯沸化夜置冰霜之下結起
在水面上者用白菜蕈切片煮汁投硝以結起多次
者爲上其色瑩白其味辛鹹沈而降陰也入手少陰
足厥陰陽明經其治邪熱在心煩躁者經曰熱淫於

內治以鹹寒佐之以苦并主五臟宿滯癥結者卽燥
糞結痰瘀血宿食之謂辛能散結鹹能軟堅兼能潤
下苦能下洩故主之也目爲血熱所侵必赤腫作痛
異常硝性峻利加以苦辛鹹寒之極故能散熱結逐
熱血目病旣去必自明矣退膈上虛熱者當作實熱
邪解心涼故熱退也消腫毒者卽軟堅散結之功也

主治參互

集簡方熱厥氣痛玄明粉三錢熱童便調下 傷寒
蘊要傷寒發狂玄明粉二錢朱砂一錢末之冷水服
聖濟總錄鼻血不止玄明粉二錢水服

簡誤



硝者消也五金入石其堅莫比惟硝能銷之苟非大
辛至鹹極苦最烈之味其能消化之乎消石朴硝
經澄煉便名芒硝馬牙硝風化硝甜硝若經煨過卽
小名玄明粉究其功用無堅不磨無結不散無熱不蕩
無積不推可謂直往無前物無留礙之性也別錄謂
煉餌服之輕身神仙失其本矣故仲景於諸承氣湯
用之非邪結下焦堅實不可按者不用恐其誤伐下
焦真陰故也病不由於邪熱深固閉結難通斷不可
輕投至於血涸津枯以致大腸燥結陰虛精乏以致
大熱骨蒸火炎於上以致頭痛目昏口渴耳聾咽痛
吐血衄血咳嗽痰壅虛極類實等證切戒勿施庶免



虛虛之咎而無悔不可追之大錯也至如唐玄宗所

召道士劉玄真謂服玄明粉遂無病長生中所載有

益精壯氣助陽補陰不拘丈夫婦人幼稚襁褓不問

四時冷熱俱治之說迺是荒唐不經之語不識本

何緣載入豈歷代董修儒臣本不知醫但廣異聞未

暇覈實而誤收之耶正所謂盡信書則不如無書也

滑石味甘寒大寒無毒主身熱洩瀉女子乳難癰閉利

小便蕩胃中積聚寒熱益精氣通九竅六府津液去留

結止渴令人利中久服輕身耐飢長年石葦為之使惡曾青

〔疏〕滑石石中之得冲氣者也故味甘淡氣寒而無毒

入足太陽膀胱經亦兼入足陽明手少陰太陽陽明



經用質之藥也滑以利諸竅通壅滯下垢膩甘以和胃氣寒以散積熱甘寒滑利以合其用是爲祛暑散熱利水除溼消積滯利下竅之要藥本經用以主身熱洩瀉女子乳難蕩胃中積聚寒熱者解足陽明胃家之熱也利小便癰閉者通膀胱利陰竅也其曰益精氣久服輕身耐飢長年此則必無是理矣別錄通九竅津液去留結止渴令人利中者溼熱解則胃氣和而津液自生下竅通則諸壅自洩也丹溪用以燥溼分水道實大腸化食毒行積滯逐瘀血解燥渴補脾胃降心火偏主石淋皆此意耳

味主治參互

和甘艸爲益元散又名天水散六一散太白散解中
暑傷寒疫癘并汗後遺熱勞復諸疾兼解兩感傷寒
百藥酒食邪熱毒煩滿短氣腹脹悶痛淋悶澀痛瘵
身熱嘔吐洩瀉腸澼下痢赤白除煩熱胸中積聚寒
熱止消渴蓄水婦人催生下乳治吹乳乳癰牙瘡齒
疳此藥大養脾胃之氣通九竅六腑去留結通經脈
消水穀安魂定魄乃神驗之仙藥也劉河間傷寒直
格本方白滑石水飛過六兩粉甘艸一兩爲末每服
三錢蜜少許溫水調下實熱則用新汲水下解利則
葱豉湯下通乳用猪肉麪湯調下催生用香油漿水
調下凡難產或死胎不下皆由風熱燥澀結滯緊斂

不能舒緩故也此藥力至則結滯頓開而瘥矣如用
以治痢照雷公炮製用牡丹皮同煮過加丹砂水飛
細末每兩一錢名辰砂六一散治心經伏暑下痢純
血煩躁口渴神昏不爽 聖惠方治膈上煩熱多渴
利丸竅滑石二兩搗水三大盞煎二盞去滓入粳米
煮粥食 千金方治女勞黃疸日晡發熱惡寒少腹
急大便溏黑額黑滑石石膏等分研末大麥汁服方
寸匕日三小便大利愈腹滿者難治 聖惠方治乳
石發動煩熱煩渴滑石粉半兩水一盞絞白汁頓服
水廣利方氣壅關格不通小便淋結臍下妨悶兼痛
滑石粉水調服一兩 楊氏產乳小便不通滑石末

一升車前汁和塗臍之四畔方四寸乾卽易之冬月
水和 聖惠方治婦人轉胞因過忍小便而致滑石
末葱湯服二錢 普濟方伏暑水泄白龍丸滑石末
煨過一兩硫黃四錢爲末麩糊丸棗豆大每用淡薑
湯隨大小服 又方治伏暑或吐或瀉或瘧小便赤
煩渴玉液散用桂府滑石燒四兩藿香一錢丁香一
錢爲末米湯服二錢亦治霍亂 王氏痘癩方治痘
瘡狂亂循衣摸牀大渴引飲用益元散一兩加朱砂
飛過二錢冰片三分麝香一分用燈心湯調二三錢
服 普濟方治風毒熱瘡遍身出黃水桂府滑石末
傅之次日愈先以虎杖豌豆甘艸等分煎湯洗後乃

搽集簡方治腳指縫爛滑石一兩石膏煨半兩

礬少許研摻之劉夏子益奇疾方載白礬石條內

鄭簡誤藥不保無非火毒引寒育火傾血熱涼

滑石本利竅去溼消暑除熱逐積下水之藥若病人

因陰精不足內熱以致小水短少赤澀或不利煩渴

身熱由於陰虛火熾水涸者皆禁用脾腎俱虛者雖

作泄勿服腎氣虛損內熱怒煩火旺氣弱治內

空青味甘酸寒大寒無毒主青盲耳聾明目利九竅通

血脈養精神益肝氣療目赤痛去膚翳止淚出利水道

下乳汁通關節破堅積久服輕身延年不老令人不忘

志高神仙能化銅鐵鉛錫作金生益州山谷及越巒山

有銅處銅精熏則生空青其腹中空三月中旬採亦無時

〔疏〕空青感銅之精氣而結其味甘酸其氣大寒無毒可知已色青法木故入肝而主目盲目者肝之竅瞳子神光屬腎肝腎虛則內熱怒則火起於肝故生內外障翳此目病所由成也甘寒能除積熱兼之以酸則火自斂而降矣熱退則障自消目自明耳者腎之竅水涸火炎故耳聾腎家熱解則火息水生而聽復聰矣九竅不利無非火壅肝家有火則血熱氣逆故血脈不通涼肝除熱則精氣自益陰足火清則竅自利而血脈自通精神自長矣目赤痛膚翳淚出皆肝

氣不足之候益肝氣則諸證自除矣其日利水道下
乳汁通關節破堅積者皆以熱除則氣血和平陰氣
自復五臟清寧則諸證自解聖藥神功於斯顯矣

主治參互

空青得真珠貝子珊瑚石決明點目中內外障翳有
神效千金方眼目眈眈不明空青少許漬露一宿點
聖濟總錄膚翳昏暗空青二錢麩仁去皮一兩片
腦三錢細研日點明目去翳障之土珍之藥一時難
構明目外無別用故不著簡誤本藥效甘涼無毒
紫石英味甘辛溫無毒主心腹欬逆邪氣補不足女子
風寒在子宮絕孕十年無子療上氣心腹痛寒熱邪氣

結氣補心氣不足定驚悸安魂魄填下焦止消渴除胃
中久寒散癰腫令人悅澤久服溫中輕身延年

〔疏〕紫石英稟土中之陽氣以生本經味甘氣溫無毒
別錄加辛雷公言大溫獨李當之言大寒者是味其
性矣味厚於氣陽中之陰降也入手少陰手厥陰足
厥陰經少陰主心屬陽而本熱虛則陽氣衰而寒邪
得以乘之或爲土氣欬逆或爲氣結寒熱心腹痛此
藥溫能除寒甘能補中中氣足心得補諸證無不瘳
矣驚悸屬心虛魂魄不安亦由心君怯弱無以鎮壓
諸經茲得鎮墜之力而心君有以鎮攝卽重以去怯
之義也其主女子風寒在子宮絕孕無子者蓋女子

繫胎於腎及心胞絡皆陰臟也虛則風寒乘之而不
孕非得溫煖之氣則無以祛風寒而資化育之妙此
藥填下焦走腎及心包絡辛溫能散風寒邪氣故爲
女子煖子宮之要藥補中氣益心肝通血脈鎮墜虛
火使之歸元故又能止消渴散癰腫令人悅澤及久
服輕身延年也凡入丸散用火煨醋淬七次碾末水
飛過曬乾入藥

主治參互

無不效

參互

參互

參互

同白薇艾葉白膠當歸山茱萸川芎香附治女人子
宮虛寒絕孕無子張文仲備急方虛勞驚悸補虛
止驚令人能食紫石英五兩打如豆大水淘一遍以

水一斗煮取三升細細服 仲景金匱方治風熱瘈
癇及驚癇風引湯紫石英白石英寒水石石膏乾薑
大黃龍齒牡蠣甘艸滑石等分咬咀水一升煎去
分食後溫呷無不效者

張簡誤導人藥

紫石英其性鎮而重其氣煖而補故心神不安肝血
不足及女子血海虛寒不孕者誠爲要藥然而止可
暫用不宜久服凡係石類皆然不獨石英一物也婦
人絕孕由於陰虛火旺不能攝受精氣者忌用
赤石脂味甘酸辛大溫無毒主養心氣明目益精療腹
痛洩瀉下痢赤白小便利及癰疽瘡痔女子崩中漏下

產難胞衣不下久服補髓好顏色益智不飢輕身延年
白石脂功用大畧相同石脂有五色舊
經同一條今用惟赤白二者餘皆不用

〔疏〕赤石脂稟土金之氣而色赤則象火故其味甘酸

辛氣大溫無毒氣薄味厚降而能收陽中陰也入手
陽明大腸兼入手足少陰經經曰澀可去脫大小腸
下後虛脫非澀劑無以固之故主腹痛腸澀及小便
利女子崩中漏下也赤者南方之色離火之象而甘
溫則又有入血益血之功故主養心氣及益精補髓
好顏色也血足則目自明心氣收攝則得所養而下
交於腎故有如上功能也癰疽因榮氣不從所生瘡
痔因腸胃溼熱所致甘溫能通暢血脈下降能滌除

溼熱故主之也其主難產胞衣不出者以其體重下
降而酸辛能化惡血惡血化則胞胎無阻滯之患矣
東垣所謂胞衣不出涩劑可以下之此之謂也不飢
輕身延年乃方士煉餌之法耳凡洩利腸澀久則下
焦虛脫無以閉藏其他固涩之藥性多輕浮不能達
下惟石脂體重而涩直入下焦陰分故爲久利洩澀
之要藥

魏萊人年以心劉錄錄曰蓋百夫銀大

辛主治參互毒涼毒和氣割而指外割中

和劑局方冷痢腹痛下白凍如魚腦者桃花丸主之
赤石脂煨研乾薑炮等分爲末蒸餅爲丸量大小服
日三服不仲景方傷寒下利便膿血不止桃花湯主

之赤石脂一斤一半全用一半末用乾薑一兩粳米半升水七升煮米熟去滓每服七合納末方寸匕日三服愈乃止 千金翼方痰飲吐水無時節者其原因冷飲過度遂令脾胃氣弱不能消化飲食飲食入胃皆變成冷水反吐不停赤石脂散主之赤石脂一斤搗篩服方寸匕酒飲自任稍加至三七服盡一斤則終身不吐痰水又不下利補五臟令人肥健有人患痰飲服諸藥不效用此遂愈病人虛者宜之

簡誤

火熱暴注者不宜用滯下全是溼熱於法當忌自非的受寒邪下利白積者不宜用崩中法當補陰清熱



不可全仗收澀滯下本屬溼熱積滯法當祛暑除積
止澀之藥定非所宜慎之慎之

無名異味甘平無毒主金瘡折傷內損止痛生肌肉

〔疏〕無名異稟地中陰水之氣以生本經味甘氣平無
毒蘇頌鹹寒鹹能入血甘能補血寒能除熱故主金
瘡折傷內損及止痛生肌肉也蘇頌醋摩傅腫毒癰
疽者亦取其活血涼血之功耳

因主治參互

集驗方打傷腫痛無名異爲末酒服趕下四肢瘀血
皆散矣 多能鄙事損傷接骨無名異甜瓜子各一
兩乳香沒藥各一錢爲末每服五錢熱酒調服小兒

三錢服畢以黃米粥塗紙上摻左顧牡蠣末裹之作
篋夾住談野翁試效方臨杖預服無名異末臨時
溫酒服三五錢則杖不甚痛亦不甚傷除折傷腫
毒外無他用故不著簡誤

綠礬涼無毒治喉痺艸牙口瘡及惡瘡疥癬釀鯽魚燒

灰和服療腸風瀉血

一名皂礬煨赤醋淬
為礬紅又名青礬

〔疏〕綠礬氣味所稟與白礬同其酸涌澀收燥溼解毒

化涎之功亦與白礬相似而力差緩本經主喉痺者

酸涌化涎之功也艸牙口瘡惡瘡疥癬者燥溼除熱

解毒之功也腸風瀉血者消散溼熱之後復有收澀

之功也然而諸治之外又善消積滯凡腹中堅肉積

諸藥不能化者以礬紅同健脾消食藥爲丸投之輒消

主治參互

得紅麴山查肉豆蔻消肉積加麥芽橘皮艸果檳榔
三稜蓬茂消一切肉積及米麩食堅積脾病黃腫
用綠礬四兩煨成赤珠子當歸四兩酒浸七日焙百
艸霜三兩爲末以浸藥酒打糊丸梧子大每服五丸
至七丸溫水下二月後黃去立效 楊真人濟急方
酒黃水腫黃腫積痛青礬半斤醋一大碗和勻瓦盆
內煨乾爲度平胃散烏藥順氣散各半兩爲末醋煮
糊丸梧子大薑湯下二三十九丸救急方食勞黃病

身目俱黃青礬鍋內安炭煨赤米醋拌爲末棗肉和
丸梧子大每服二三十丸食後薑湯下 聖惠方腹

中食積綠礬二兩研米醋一大盃瓷器煎之柳條攪

成膏入赤腳烏一兩研丸棗豆大每空心溫酒下五

丸難談野翁試效方走馬疳瘡綠礬煨紅以醋拌勻

如此三次爲末入麝香少許溫漿水漱淨摻之應和

龍腦雄黃蓬砂芒硝煨煉入衣袋中令至熱然對以

新簡誤毒瘰疬主之也又蘇詩難霜天人土香研淋

綠礬礬紅雖能消肉食堅積然能令人作瀉胃弱人

不宜多用服此者終身忌食蕎麥犯之立斃原書云

鐵鏞主惡瘡疥癬和油塗之蜘蛛蟲等咬和蒜磨傅之

一名鐵衣

〔疏〕鐵鏽得金氣之英華其味應辛苦氣應寒惡瘡疥癬溼熱所生蜘蛛蟲咬毒氣傷血辛苦能除溼熱寒能解熱毒氣故主之也又秘法取露天入土者研極細同蟾酥腦麝以金鍼刺入疔瘡中令至根然後以藥塞入能拔疔根輒效蓋疔腫未有不因肝經風熱所致此藥屬金善能平木故有如是之功普濟方疔腫初起多年土內鏽釘火煨醋淬刮下鏽末研細每用少許人乳和挑破傅之一大盞瓷器燒之勝於他

大蘇子大青丸二三十丸食後薑汁下
皖南建德

良民財黃青礬內安熾燬米醋拌食
周氏校刊



本草經疏卷四

玉石部中品

總入十七種今疏其要者一十八種

雄黃 益母石 硫黃 食鹽 水銀

石膏 金屑 靈砂 水銀粉

磁石 凝水石 陽起石 蜜陀僧

鐵落 珊瑚 大瑪瑙 太陰玄精

土蜂窩 土細土 胡燕窩 內土

雄黃味苦甘平寒大溫有毒主寒熱鼠瘦惡瘡疽痔死

肌癢疥蟲蠱瘡目痛鼻中息肉及絕筋破骨百節中大

風積聚癰氣中惡腹痛鬼疰殺精物惡鬼邪氣百蟲毒

勝五兵殺諸蛇虺毒解藜蘆毒悅澤人面鍊食之輕身
神仙餌服之皆飛入人腦中勝鬼神延年益壽保中
不
飢得銅可作金

〔疏〕雄黃稟火金之性得正陽之氣以生本經味苦平
氣寒有毒別錄加甘大溫甄權言辛大毒察其功用
應是辛苦溫之藥而甘寒則非也氣味俱厚升也陽
也入足陽明經其主殺精物惡鬼邪氣及中惡腹痛
鬼疰者蓋以陽明虛則邪惡易侵陰氣勝則精鬼易
憑得陽氣之正者能破幽暗所以殺一切鬼邪勝五
兵也寒熱鼠癩惡瘡疽痔死肌疥蟲蠹瘡諸證皆溼
本熱留滯肌肉所致久則浸淫而生蟲此藥苦辛能燥

溼殺蟲故爲瘡家要藥其主鼻中息肉者肺氣結也
癰氣者大腸積滯也筋骨斷絕者氣血不續也辛能
散結滯溫能通行氣血辛溫相合而殺蟲故能搜剔
百節中大風積聚也虺蛇陰物藜蘆陰艸雄黃稟純
陽之氣所以善殺百蟲蛇虺毒及解藜蘆毒也別錄
復有目痛及悅澤人面之語悉非正治鍊餌之法出
自仙經以銅爲金亦黃白術中事耳

主治參互

同紅白藥子白及白斂乳香沒藥冰片傳一切腫毒
癰疽 研細末入猪胆內套指頭上治天蛇疔毒發
於中指 同金頭蜈蚣牛角腮猪懸蹄狷皮象牙末

黃蠟白礬治通腸漏 同漆葉苦參刺蒺藜白芷荆
芥天麻鼈蝨胡麻半枝蓮豨薟百部天門冬治大麻
風眉毛脫落 治暑毒瘡痢百法不效用雄黃研細
水飛九次竹筒盛蒸七次再研蒸餅和丸梧子大每
服甘艸湯下七丸日三服其辭云暑毒在脾溼氣連
腳不泄則痢不痢則瘡獨煉雄黃蒸餅和藥別作治
療醫家大錯此昔人夢中所得之方今試之輒效
聖惠方傷寒狐惑蟲食下部痛痒不止雄黃半兩燒
於瓶中熏其下部 肘後方五尸疰病發則變痛無
常昏恍沈重纏結臟腑上衝心脇卽身中尸鬼接引
爲害也雄黃大蒜各一兩杵丸彈子大每熱酒服一

丸 夏氏奇疾方 筋肉蟲有蟲如蟹走於皮下作聲
如小兒啼爲筋肉所化雄黃雷丸各一兩爲末摻豬
肉上炙熟喫盡自安 積德堂方 廣東惡瘡雄黃
錢半杏仁三十粒去皮輕粉一錢爲末洗淨以雄豬
胆汁調上二三日卽愈百發百中天下第一方也出
武定侯府內入龍腦少許尤良

簡誤

雄黃殺蛇蟲咬毒及傳疥癬惡瘡疔腫辟鬼魅邪氣
在所必用然而性熱有毒外用亦見其所長內服難
免其無害凡在服餌中病乃已毋盡劑也

石硫黃味酸溫大熱有毒主婦人陰蝕疽痔惡血堅筋

骨除頭禿療心腹積聚邪氣冷痺在脇欬逆上氣腳冷

疼弱無力及鼻衄惡瘡下部蠹瘡止血殺疥蟲

者黑鉛煎湯解之或食冷猪血

能乾乘中其毒

〔疏〕石硫黃稟火氣以生本經味酸氣溫有毒別錄大

熱黃帝雷公鹹有毒氣味俱厚純陽之物也入手厥

陰經經曰寒淫於內治以溫熱冷痺在脇欬逆上氣

寒邪在中也非溫劑無以除之又曰鞭則氣堅鹹以

輒之心腹積聚邪氣堅積在中也非鹹劑無以輒之

命門火衰則為腳冷疼弱無力下焦溼甚則為陰蝕

疽痔蠹瘡酸溫能補命門不足大熱能除下焦溼氣

故主之也其主頭禿惡瘡疥蟲者悉取其除溼殺蟲



之功耳本經又主堅筋骨及別錄療鼻衄止血者皆
非其所宜夫熱甚則骨消筋緩火載血上則錯經妄
行豈有大熱之物反能療是證哉無是理也

藥性主治參互

食入雞子同艾葉煮食治婦人白帶因於虛寒者
聖惠方諸瘡弩肉如蛇出數寸硫黃末一兩肉上撲之
卽縮也救急良方疥瘡有蟲硫黃末以雞子煎香油
調搽極效

天簡誤

硫黃古方未有服餌者本經所用止於治瘡蝕攻積
聚冷氣腳弱等而近世遂爲常服丸散如來復丹半



疏丸金液丹黑龍丹及諸方書所載者不可縷指稱其功用亦未能殫述然而人身之中陽常有餘陰常不足病寒者少病熱者多苟非真病虛寒胡可服此大熱毒藥假令果係虛寒證法當補氣以回陽亦何須藉此毒石哉世人徒知其取效良捷而不知其爲害之酷烈也戒之戒之

食鹽味鹹溫無毒主殺鬼蠱邪疰毒氣下部腫瘡傷寒寒熱吐胸中痰癖止心腹卒痛堅肌骨多食傷肺喜欬

〔疏〕鹽稟水氣以生洪範潤下作鹹素問水生鹹此鹽之根源也本經味鹹別錄鹹溫無毒察其本具氣味則是鹹寒而非溫也氣薄味厚陰也降也入足少陰

亦入手少陰足陽明手太陰陽明經其主腸胃結熱
喘逆胸中病及傷寒寒熱者皆熱邪在陽明也經曰
熱淫於內治以鹹寒正此之謂也五臟苦欲補瀉
心欲軟急食鹹以軟之以鹹補之心虛則邪熱客之
而卒痛鹹寒能除熱補心故主心腹卒痛也凡溼熱
在下焦則爲蠱瘡留著經絡則肌骨軟鹹寒能除溼
熱故主之也或以爲鹹能軟堅又何以堅肌骨不知
肌骨軟緩皆溼熱所致經曰熱則骨消筋緩又曰體
重肘腫肉如泥皆屬於溼如夏月溼熱大盛則肉食
易於潰散得鹽性之鹹寒乃能堅久不腐也鹹味涌
泄所以能吐胸中痰癖及鬼蠱邪疰毒氣悉皆吐出

也多食傷肺喜欬者肺主清肅多食則鹹味漬入肺
竅故令欬也日華子以之助水臟及霍亂心痛金瘡
明目止風淚邪氣一切蟲傷瘡腫火灼通大小腸療
疝氣諸治悉取其入腎入心走血輒堅除熱潤下之
功耳

主治參互

炒鹽三錢以炒砂仁五錢爲末泡湯井水澄冷灌下
治霍亂心腹絞痛有效一味炒作湯治心經火熱
作痛 柳柳州纂救三死方治霍亂上不得吐下不
得瀉氣絕欲死者用鹽一大匙熬令黃童子小便一
升合和溫服少頃吐下卽愈也 孫真人方卒中尸

道服鹽湯取吐效 甄權藥性論中惡心痛鹽如雞
子大青布裊燒赤納酒中頓服當吐惡物愈 唐璠
經驗方風熱牙痛以槐枝煎濃湯二盃入鹽一斤煮
乾炒研日用揩齒以水洗目 梅師方蜈蚣咬人嚼
鹽塗之或鹽湯洗之妙 經驗方蚯蚓咬毒形如大
風眉鬢皆落惟濃煎鹽湯浸身數遍卽愈浙西將軍
張韶病此每夕蚯蚓鳴於體一僧用此方而安蚯蚓
畏鹽故也

雜錄簡誤

水內經曰鹹走血血病無多食鹹多食則脈凝泣而色
變凡血病及喘嗽水腫消渴法所大忌以其或傷肺

引痰或泣血脈或助水邪或走精液故也

水銀味辛寒有毒主疥癩痂瘍白禿殺皮膚中蝨墮胎

除熱以傅男子陰陰消無氣殺金銀銅錫毒鎔化還復

為丹久服神仙不死一名汞得鉛則凝得硫則結併棗肉人唾研則散別法煅為

膩粉粉霜得紫河車則伏得川椒則收

〔疏〕水銀從石中迸出為石汞從丹砂中出者為硃裏

汞即丹砂中液也稟至陰之氣而有汞故其味辛其

氣寒而有毒善能殺蟲其性下走無停歇故本經以

之主疥癩痂瘍白禿殺皮膚中蝨及墮胎除熱也至

陰之精能消陽氣故不利男子陰也神仙不死之說

必得鉛華相合乃能收攝真氣凝結為丹即道家所



謂太陽流珠常欲去人卒得金華轉而相因之旨也
伏鍊五金爲泥以其性能殺金銀銅錫毒也鎔化還
復爲丹亦出仙家烹鍊耳

主治參互

得礬石丹砂芒硝雄黃黑鉛入陽城罐內如法昇鍊
名紅粉霜能止痛生肌少加冰片研勻擦廣瘡有效
製法具礬輕粉 同大風子蛇牀子樟腦輕粉枯礬
雄黃胡桃油治疥癬蟲瘡 肘後方一切惡瘡水銀
黃連胡粉熬黃各一兩研勻傳之乾則以唾調

簡誤

陳藏器曰水銀入耳能食人腦至盡入肉令百節攣

縮倒陰絕陽人患瘡疥多以水銀塗之性滑重直入肉宜謹之頭瘡切不可用恐入經絡必緩筋骨寇宗奭云水銀入藥雖各有法極須審謹有毒故也歷舉學士大夫惑於方士之說服煅鍊水銀而暴卒者不可勝數婦人誤服多致絕孕其爲毒害昭昭矣惟宜外敷不宜內服入口爲厲可不戒哉

石膏味辛甘微寒大寒無毒主中風寒熱心下逆氣驚喘口乾舌焦不能息腹中堅痛除邪鬼產乳金瘡除時氣頭痛身熱三焦大熱皮膚熱腸胃中膈氣解肌發汗止消渴煩逆腹脹暴氣喘息咽熱亦可作浴湯

浙人呼爲寒水石者眞

堅白明瑩者良



疏石膏稟金水之正得天地至清至寒之氣故其味
辛甘其氣大寒而無毒陰中之陽可升可降入足陽
明手太陰少陽經氣分辛能解肌甘能緩熱大寒而
兼辛甘則能除大熱故本經主中風寒熱熱則生風
故也邪火上衝則心下有逆氣及驚喘陽明之邪熱
甚則口乾舌焦不能息邪熱結於腹中則腹中堅痛
邪熱不散則神昏譫語同乎邪鬼肌解熱散汗出則
諸證自退矣惟產乳金瘡非其用也別錄除時氣頭
痛身熱三焦大熱皮膚熱腸胃中膈氣解肌發汗止
消渴煩逆腹脹暴氣喘息咽熱者以諸病皆由足陽
明胃經邪熱熾盛所致惟喘息咽熱略兼手太陰病

此藥能散陽明之邪熱降手太陰之痰熱故悉主之也甄權亦用以治傷寒頭痛如裂壯熱如火日華子用以治天行熱狂頭風旋指齒東垣用以除胃熱肺熱散陽邪緩脾益氣者邪熱去則脾得緩而元氣回也潔古又謂止陽明經頭痛發熱惡寒日晡潮熱大渴引飲中暑及牙痛者無非邪在陽明經所生病也理陽明則蔑不濟矣足陽明主肌肉手太陰主皮毛故又爲發斑發癩之要品起死回生功同金液若用之尠少則難責其功世醫罔解茲特表而著之

主治參互

仲景白虎湯專解陽明邪熱其證頭痛壯熱口渴煩

躁鼻乾目眴眴不得眠畏人聲木聲畏火若勞役人
病此元氣先虛者可加人參名人參白虎湯發癰陽
毒盛者白虎湯加竹葉麥門冬知母以石膏爲君
一兩至四兩麥門冬亦如之知母自七錢至二兩竹
葉自百片至四百片粳米自一大撮至四大撮甚則
更加黃連黃蘗黃芩名三黃石膏湯自一劑至四劑
婦人妊娠病此者亦同 傷寒汗後煩熱不解竹葉
石膏湯主之 小兒痧癰發熱口渴唇焦咳嗽多嚏
或多痰或作泄竹葉石膏湯加赤檉木枝兩許貝母
栝樓根各二三錢主之發癰亦同甚者加三黃 瘧
疾頭痛壯熱多汗發渴亦用竹葉石膏湯二三劑主

之虛者加人參後隨證施治 中暑用白虎湯虛者
加人參 太陽中暈亦用竹葉石膏湯 胃家實熱
或嘈雜消渴善飢齒痛皆須竹葉石膏湯主之

簡誤

石膏本解實熱祛暑氣散邪熱止渴除煩之要藥溫
熱二病多兼陽明若頭痛遍身骨痛而不渴不引飲
者邪在太陽也未傳陽明不當用七八日來邪已結
裏有燥糞往來寒熱宜下者勿用暑氣兼溼作泄脾
胃弱甚者勿用瘧邪不在陽明則不渴亦不宜用產
後寒熱由於血虛或惡露未盡骨蒸勞熱由於陰精
不足而不由於外感金瘡下乳更非其職宜詳察之

竝勿誤用

金屑味辛平有毒主鎮精神堅骨髓通利五臟除邪毒

氣服之神仙

寇宗奭曰不日金而更屑字者是已經磨屑可用之義必須烹鍊鍛屑爲箔方可入

藥蘇頌曰金屑古方不見用惟作金箔入藥甚便又古方有金石凌紅雪紫雪輩皆取金銀煮汁此通用經鍊者假其氣爾生金有毒能殺人且難解有中其毒者惟鷓鴣肉可解之性惡錫畏水銀

〔疏〕金屑稟西方剛利之性善能制木體重而降亦能

鎮心心氣怯則驚邪易入精神不安五臟皆爲之病

肝經風熱則爲驚癇失志魂魄飛揚肝屬木而畏金

與心爲子母之臟故其病同一源治亦同法本經主

鎮驚通利五臟邪氣及甄權療小兒驚傷五臟風癇

失志鎮心安魂魄者亦兼實則瀉其子之義也本經

又主堅骨髓者以肝心平風熱退則精血生骨髓自堅矣服之神仙乃出自仙經非醫方所述也

主治參互

入至寶丹治中風不語氣絕中惡蠱毒尸疰難產血
暈等證 入牛黃清心丸治諸風緩縱不隨語言蹇
澹恍惚怔忡痰涎壅塞驚恐怕怖或喜怒無時癲狂
昏亂 入紫雪治內外煩熱口舌生瘡狂呼叫走瘴
疫毒癘卒死溫瘧五尸五疰蠱毒卒黃小兒驚癇百
病紅雪治療略同 金箔鎮心丸治小兒風壅痰熱
驚悸譫妄心神不寧 磨細屑挑開疔瘡頭上沒入
能拔疔根作鍼鍼疔瘡納藥拔疔

簡誤

太清法云金稟中宮陰巳之氣性本剛服之傷肌損骨予見今之以難求死者服金一二分則心腹剜痛腸胃如裂而斃其爲損傷肌骨槩可見矣惟作箔入藥可爲鎮心安神之用如或止因心氣虛以致神魂不安竝無驚邪外入者當以補心安神爲急而非金箔所能定矣

靈砂味甘溫無毒主五藏百病養神安魂魄益氣明目通血脈止煩滿益精神殺精魅惡鬼氣久服通神明不老輕身神仙令人心靈一名二氣砂

〔疏〕靈砂硫汞制而成乃水火既濟二氣交合奪造化

之功竊陰陽之妙可以變化五行升降氣血爲除邪
養正扶危救急之靈丹也故能主五臟百病益精神
安魂魄及益氣養神也其主明目通血脈止煩滿殺
精魅惡鬼氣者特其餘事耳得陰陽之妙故能令人
心靈心靈則神明自通不老輕身神仙所自來矣又
能主上盛下虛痰涎壅盛頭旋吐逆霍亂反胃心腹
冷痛諸證更爲鎮墜之神丹也 修治用水銀一兩
硫黃六銖細研炒作青砂頭後入水火既濟爐抽之
如束鍼紋者成就也又按胡演丹藥秘訣云升靈砂
法用新鍋安逍遙爐上蜜指鍋底文火下燒入硫黃
二兩鎔化投水銀半斤以鐵匙急攪作青砂頭如有

燄起噴醋解之待汞不見星取出細研盛入水火鼎
內鹽泥固濟下以自然火升之乾水十二盞爲度取
出束鍼紋者成矣

主治參互

錢氏小兒方霍亂吐逆不問虛實冷熱二氣散一名
青金丹用水銀硫黃等分研不見星每服一字生薑
湯調下 直指方冷氣心痛靈砂三分五靈脂一分
爲末稀糊丸麻子大每服二十丸食前石菖蒲生薑
湯下 又方九竅出血因暴驚而得其脈虛者靈砂
丹三十粒人參湯下三服愈此證不可認作血得熱
則妄行而用涼藥誤矣何者驚則氣浮神魂發越陽

本州經疏 卷四
氣暴壅故也得鎮墜則神魂復安而血自循經矣

和劑局方有養正丹又名交泰丹用黑鉛硃砂水銀
硫黃炒成卽靈砂意也其用亦與靈砂略同

簡誤

靈砂雖稱水火既濟陰陽配合然而硫汞有毒性亦
下墜止可藉其墜陽交陰卻病于一時安能資其養
神益氣通靈于平日哉凡胃虛嘔吐傷暑霍亂肺熱
生痰病屬于虛非關驟發者咸在所忌

水銀粉味辛冷無毒主通大腸傅小兒疳痺癩癧殺瘡

疥癬蟲及鼻上酒皰風瘡瘙痒又名汞粉輕粉膩粉

畏磁

石石黃忌一切血本出於丹砂故
也上茯苓黑鉛鐵漿可制其毒

疏水銀粉升鍊水銀而成其味本辛氣冷無毒療體
與水銀相似第其性稍輕浮爾大腸熱燥則不通小
兒疳痺因多食甘肥腸胃結滯所致辛涼總除腸胃
積滯熱結故主之也其主瘰癧瘡疥癬蟲及鼻上酒
鼓風瘡瘙痒者皆從外治無非取其除熱殺蟲之功
耳 升鍊輕粉法用水銀一兩白礬二兩食鹽一兩
同研不見星鋪於鐵器內以小烏盆覆之鹽泥封固
盆口以炭火打三炷香取開則粉升於盆上矣

主治參互

活幼口議小兒嘔乳不止服此立效膩粉一錢鹽豉
七粒去皮研勻丸麻子大每服三丸藿香湯下 經

驗方小兒吃泥及釀肚用膩粉一分砂糖和丸麻子

大空心米飲下一丸良久泄出泥土瘡 聖惠方

小便閉脹悶欲死二三日則殺人膩粉一錢生麻油

一合相和空心服 萬表積善堂方下疳陰蝕瘡輕

粉末乾摻之即結靨而愈 永類鈐方廉瘡不合葱

汁調輕粉傅之 又秘法升丹靈藥方治癰疽惡瘡

楊梅諸瘡拔毒長肉神驗水銀一兩黑鉛七錢硃砂

雄黃各三錢白礬火硝各二兩半其法先用鉛化開

投水銀凝成餅入硃砂雄黃研勻然後將硝礬鎔化

投前四味末入內離火急攪令勻用陽城確盛之鐵

蓋蓋口上架鐵梁鐵線紮緊鹽泥固濟神仙爐內文



武火升鍊蓋中時時以水擦之火漸加以三分爲率
每焚官香一炷則加一分如是鍊三炷官香爲度候
冷取開於盞底刮取研如飛麴甘艸湯飛過三次入
龍腦香少許點廣瘡上數數以指蘸藥按之三日自
脫神方也

簡誤

水銀粉下膈涎消積滯并小兒涎潮瘰癧藥多用然
而其性有毒走而不守若服之過劑或不得當則毒
氣熏蒸竄入經絡筋骨莫之能出痰涎既去血液隨
亡筋失所養營衛不從變爲筋攣骨痛或結腫塊漏
瘡或手足皸裂頑痺等證遂成痼疾貼害無窮蓋此

物本成於汞則汞之毒尚存又得火煅則火之毒氣未出本經言其無毒誤也凡閉結由於虛血不能潤澤小兒疳病脾胃兩虛小兒慢驚痰涎壅上楊梅結毒發於氣虛久病之人咸不宜服宗奭有云病屬於驚尤須審謹蓋驚為心氣不足不可下下之裏虛驚氣入心不可治其人本虛便須禁此慎之至也

磁石味辛鹹寒無毒主周痺風溼肢節中痛不可持物洗洗酸消除大熱煩滿及耳聾養腎藏堅骨氣益精除煩通關節消癰腫鼠瘦頸核喉痛小兒驚癇鍊水飲之亦令人有子一名玄石

即吸鐵石入藥須火燒醋淬研末水飛或醋煮三日夜

〔疏〕磁石生於有鐵處得金水之氣以生本經味辛氣



寒無毒別錄甄權鹹有小毒大明甘瀼平藏器鹹溫
今詳其用應是辛鹹微溫之藥而甘寒非也氣味俱
厚沈而降陽中陰也入足少陰兼入足厥陰經其主
周痺風溼肢節中痛不可持物洗洗酸者皆風寒溼
三氣所致而風氣尤勝也風溼末疾發於四肢故肢
節痛不能持物風溼相搏久則從火化而骨節皮膚
中洗洗酸也辛能散風寒溫能通關節故主之也鹹
爲水化能潤下軟堅辛能散毒微溫能通行除熱故
主大熱煩滿及消癰腫鼠瘦頸核喉痛者足少陽少
陰虛火上攻所致鹹以入腎其性鎮墜而下吸則火
歸元而痛自止也夫腎爲水臟磁石色黑而法水故

能入腎養腎臟腎主骨故能強骨腎藏精故能益精
腎開竅於耳故能療耳聾腎主施泄久秘固而精氣
盈益故能令人有子小兒驚癇心氣怯痰熱盛也鹹
能潤下重可去怯是以主之甄權云補男子腎虛風
虛身強腰中不利加而用之宗奭云養腎氣填精髓
腎虛耳聾目昏者皆用之

主治參互

直指方耳卒聾閉吸鐵石半錢入病耳內鐵砂未入
不病耳內自然通透 千金方陽事不起磁石五斤
研清酒漬二七日每服三合日二夜一 倪微德原
機啟微集眼昏內障神光寬大漸散昏如霧露中行

漸睹空花物成一體久則光不收及內障磁硃丸真
磁石火煨醋淬七次二兩硃砂一兩神曲生用三兩
爲末更以神麩末一兩煮糊加蜜丸梧子大每服二
十丸空心飯湯下 千金方金瘡血出磁石末傅之
止痛斷血 諸藥石皆有毒且不宜久服獨磁石性
稟冲和無猛悍之氣更有補腎益精之功故不著簡
誤大都漬酒優於丸散石性體重故爾

凝水石味辛甘寒大寒無毒主身熱腹中積聚邪氣皮
中如火燒煩滿水飲之除時氣熱盛五臟伏熱胃中熱
煩滿止渴水腫小腹痺久服不飢一名寒水石一名白
水石色如雲母可析者良鹽之精也

石膏亦名寒水石與此不同



本經經疏 卷四
疏凝水石生於鹵地稟積陰之氣而成本經味辛氣寒別錄加甘大寒無毒經曰小熱之氣涼以和之夫熱之氣寒以取之又曰熱淫於內治以鹹寒大寒微鹹之性故主身熱邪氣皮中如火燒煩滿及時氣熱盛五臟伏熱胃中熱也易飢作渴亦胃中伏火也甘寒除陽明之邪熱故能止渴不飢水腫者溼熱也小便多不利以致水氣上溢於腹而成腹痺辛鹹走散之性故能除熱利竅消腫也療腹中積聚者亦取其辛散鹹輭之功耳

主治參互

汞類方男女轉脬不得小便寒水石二兩滑石一兩

葵子一合爲末水一斗煮五升時服一升卽利

驗方小兒丹毒皮膚熱赤寒水石半兩白土一分爲

末米醋調塗之

簡誤

凝水石按本文云鹽之精則與石膏方解石大相懸
絕矣因石膏有寒水石之名而王隱君復云寒水石
又名方解石以致混淆難辨其功能各不同用者自
宜分別生鹵地味辛鹹碎之如朴硝者是凝水石其
氣大寒能除有餘邪熱凡陰虛火旺咳嗽吐血多痰
潮熱骨蒸并脾胃作泄者不宜服經曰諸腹脹大皆
屬於熱者宜之諸溼腫滿屬脾土者忌之大宜詳審

慎勿有誤

陽起石味鹹微溫無毒主崩中漏下破子藏中血癥瘕
結氣寒熱腹痛無子陰痿不起補不足療男子莖頭寒
陰下溼痒去臭汗消水腫久服不飢令人有子
牙者為上凡用火煨酒
淬七次研細水飛日乾
白色莖
明若狼

〔疏〕陽起石稟純陽之氣以生本經味鹹氣微溫無毒
觀圖經所載齊州陽起山其山常有煖氣雖盛冬大
雪徧境獨此山無少積蓋石氣熏蒸也其為氣之溫
煖當不甚微矣味鹹而氣溫入右腎命門補助陽氣
并除積寒宿血留滯下焦之聖藥故能主崩中漏下
及破子臟中血癥瘕結氣寒熱腹痛及男子莖頭寒



陰痿不起陰下溼痒令人有子也真陽足則五臟之氣充溢邪溼之氣外散故久服不飢并去臭汗也別錄又主消水腫者蓋指真火歸元則能煖下焦熏蒸糟粕化精微助脾土以制水也

主治參互

同破故紙鹿茸膈肭臍菟絲子狗陰莖肉菴容巴戟天治命門虛寒陰痿不起精寒無嗣服之能令陽道豐隆使人有子總治男子九醜之疾

簡誤

陰虛火旺者忌之陽痿屬於失志以致火氣閉密不得發越而然及崩中漏下由於火盛而非虛寒者竝

不得服

蜜陀僧味鹹辛平有小毒主久痢五痔金瘡面上癩瘰

面膏藥用之

舊出南閩中銀銅冶處今甚難得但取煎銷銀鋪鑪底用之

〔疏〕蜜陀僧感銀銅之氣而結故其味鹹辛氣平有小

毒久痢五痔大腸溼熱積滯也辛主散結滯鹹主潤

下除熱大腸清寧則久痢五痔自瘳矣體重能消磨

堅積味鹹能入血涼血故又主金瘡及滅面上癩黥

也

主治參互

聖惠方鼻皴赤皰蜜陀僧二兩細研人乳調夜塗旦

洗活人心鑑夏月汗癩如癩用蜜陀僧八錢雄黃

四錢先以薑片擦熱仍以薑片醮末擦之次日卽焦
壽域方骨疽出骨一名多骨瘡不時出細骨乃母
受胎未及一月與六親骨肉交合感其精氣故有多
骨之名以蜜陀僧末桐油調勻攤貼之卽愈

中簡誤

蜜陀僧性治黥黯傳面外今人無復用以服食者大
都可外敷不可內服此藥難得真者銷銀爐底乃硝
銅之氣所結能爛一切物故益不宜輕用

鐵落味辛甘平無毒主風熱惡瘡瘍疽瘡痂疥氣在皮
膚中除胸膈中熱氣食不下止煩去黑子可以染皂

〔疏〕鐵落是鍛家燒鐵赤沸砧上煨之如皮甲落下者

本出於鐵不離金象體重而降故素問有生鐵落飲
以療病狂怒者云生鐵落下氣疾也又狂怒屬肝氣
暴升故取金氣以制之也其主氣在皮膚中及除胸
膈中熱氣食不下止煩者皆制木散熱之功也本經
又主風熱惡瘡瘍疽瘡痂疥者皆肝心火熱所致辛
平能除二經之火熱故主之也蘇恭以之炒熱投酒
中飲療賊風痙大明治驚邪癲癩小兒客忤竝煎服
之悉此意耳

受主治參互

鐵稱錘燒紅淬入米泔中百次乘熱熏洗陰癬頑瘡
皆有效別敷殺蟲涼血藥彌佳

珊瑚味甘平無毒主宿血去目中翳鼻衄末吹鼻中

〔疏〕珊瑚得水中之陰氣以生味甘氣平性主消散故能去目中翳及消宿血止鼻衄也

主治參互

同貝子真珠瑪瑙琥珀石蟹爲極細末點入目中去
膚翳 甘平無毒主療亦稀故無簡誤

瑪瑙味辛寒無毒主辟惡熨目赤爛

〔疏〕瑪瑙王之屬也觀陳藏器云研木不熱其性寒可知矣寒而帶辛故能辟惡及熨目赤爛也同珊瑚輩爲末點目去障翳尤妙

太陰玄精味鹹溫無毒主除風冷邪氣溼痺益精氣婦

人痼冷漏下心腹積聚冷氣止頭疼解肌其色青白龜背者良

〔疏〕太陰玄精出於鹽鹵之地乃至陰之精凝結而成故其形皆六出象老陰之數也本經味鹹氣溫無毒然詳其所主味應帶辛氣應作寒非辛寒則不能除風冷邪氣溼痺及止頭疼解肌等證鹹能軟堅故主心腹積聚鹹能潤下入腎滋水故主益精氣本經誤認爲溫故有婦人痼冷漏下冷氣之治皆非所宜也

主治參互

圖經本艸正陽丹治傷寒三日頭疼壯熱四肢不利
太陰玄精石硝石硫黃各二兩蓬砂一兩細研入瓶

固濟以炭半斤於瓶子周一寸煖之約近半日候藥
青紫色住火待冷取出用臘月雪水拌勻入罐子中
屋後北陰下陰乾又入地埋二七日取出研細麩糊
丸雞頭實大先用熱水浴後以艾湯研下一丸以衣
蓋汗出爲瘥 入來復丹治緩急諸病但有胃氣無
不獲安

簡誤

傷寒陰證不宜服鹹能走血用以引經入腎則可多
則反瀉腎傷血矣血病無多食鹹戒之

土蜂窩上細土

本經無氣味云主腫毒醋和爲泥傅之亦主蜘蛛咬

必是甘平無毒之物甘爲土化故能解諸毒也

胡燕窩內土無毒主風瘙癢癰及惡刺瘡浸淫瘡遍身
至心者死竝水和敷之

〔疏〕胡燕卽玄鳥春分後至窠取四方溼土爲之其氣
味必甘寒故藏器以之療諸瘡瘍蓋諸痛痒瘡瘍皆
屬心火而甘寒最能解火毒土性能化一切毒故也

主治參互

入回燕膏貼瘰癧有效回燕者朝北燕窠土

皖南建德

周氏校刊



本艸經疏卷五

玉石部下品

千總九十三種今疏其要者二十三種

伏龍肝

石灰

百艸霜附

砒霜

鎊墨

管礪砂

鉛丹

鉛

粉錫

東壁土

赤銅屑

銅青

井底泥

代赭

戎鹽

地漿

自然銅

梁上塵

礪石

麥飯石

花乳石

蓬砂

鉛霜

古文錢

伏龍肝味辛微溫主婦人崩中吐血止欬逆止血消癰

腫毒氣

此竈中對釜臍下黃土以年久如赤色石中黃者佳研細水飛用



疏伏龍肝得火土之氣而成本經味辛氣微溫無毒
甄權言鹹其質本土味應有甘以竈有神故古方多
以之治顛狂寐魘及卒中邪惡等證本經主婦人崩
中吐血止欬逆止血者蓋以失血過多中氣必損甘
能補中微溫能調和血脈故主之也消癰腫毒氣者
辛散鹹輭之功也日華子主催生下胞及小兒夜啼
者取其土中有神而性本冲和復能鎮重下墜也

主治參互

千金方卒中惡氣伏龍肝末一雞子大水服取吐

救急方產後血氣攻心痛惡露不下竈中心土研末

酒服二錢瀉出惡物立效 傷寒類要妊娠熱病伏



龍肝末雞子許大水調服之仍以水和塗臍上方寸
乾則再上外臺秘要一切癰腫伏龍肝以蒜和作
泥貼之乾再易或雞子黃和亦可

簡誤

陰虛吐血者不宜用以其中有火氣故也癰腫毒盛
難消者不得獨用

石灰味辛溫主疽瘍疥瘙熱氣惡瘡癩疾死肌墮眉殺
痔蟲去黑子息肉療髓骨疽

〔疏〕石灰燒青石而成故其味辛氣溫本經不言其毒
觀所主皆不入湯其爲毒可知矣火氣未散性能灼
物故主去黑子息肉及墮眉也其主疽瘍疥瘙熱氣

惡瘡癩疾死肌髓骨疽者皆風熱毒氣浸淫於骨肉
皮膚之間辛溫能散風熱毒氣且能蝕去惡肉而
新肌故爲諸瘡腫毒要藥也辛而燥故又能殺痔蟲
古方多用合百艸團末治金瘡殊勝者以其性能堅
物使不腐壞且血見石灰則止而百艸又能活血涼
血故也

古墓中石灰名地龍骨火毒已出燥烈大減故主頑
瘡癩瘡膿水淋漓及歛諸瘡口尤效

鯢船油灰名水龍骨得油性之潤復得水氣之陰故
主金瘡跌撲傷損破皮出血及諸瘡癩血風臙瘡也

主治參互

入三仙膏點一切癰疽腫毒輕者可消重者勢亦減
普濟方疣痣瘤贅石灰一兩用桑灰淋汁熬成膏
刺破點之又方去癰疽瘰肉石灰半斤麥稈灰半
斤淋汁煎成霜密封每以針劃破塗之自腐落有毒
不入湯丸故無簡誤

○百艸霜乃煙氣結成其味辛氣溫無毒辛主散故能
消化積滯及下食也凡血見灰則止此藥性能止血
復能散瘀滯故主上下諸血及崩中帶下胎前產後
諸病

主治參互

筆峰襍興方胎動下血或胎已死百艸霜二錢櫻灰

一錢伏龍肝五錢為末每服二錢白湯入酒及童便

調下 杜王方治橫生倒逆胎前產後虛損月候不

調崩中帶下百艸霜白芷等分為末每服二錢童子

小便醋各少許調勻熱湯化服不過二服瘥

簡誤

雖能止血無益腸胃救標則可治本則非故不宜多

服

砒霜味苦酸有毒主諸瘡風痠在胸膈可作吐藥不可

久服能傷人飛鍊砒黃而成

畏菜豆冷水入藥醋煮殺毒用

〔疏〕砒霜稟火之毒氣復兼煅煉本經雖云味苦酸而

其氣則大熱性有大毒也酸苦涌泄故能吐諸瘡風

疫在胸膈間大熱大毒之物故不可久服能傷人也
更善落胎及枯痔殺蟲

簡誤

案砒黃既已有毒見火則毒愈甚而世人多用砒霜
以治瘡不知內經云夏傷於暑秋必痲瘧法當清暑
益氣健脾是爲正治豈宜用此大熱大毒之藥如果
元氣壯實有痰者服之必大吐雖暫獲安而所損真
氣實多矣初燒霜時人在上風十餘丈外立下風所
近艸木皆死以之毒鼠鼠死猫犬食之亦死人服至
一錢許則立斃若得酒及燒酒服則腸胃腐爛頃刻
殺人雖菘豆冷水亦難解矣其於鈎吻射罔之毒殆

又甚焉奈何今人用之治瘡是以必死之藥治必不
死之病豈不誤哉除枯痔殺蟲用於外傳之藥此外
慎毋服之切戒切戒

鎔墨主蠱毒中惡血暈吐血亦塗金瘡生肌止血

〔疏〕鎔墨釜臍中墨也本經無氣味然觀其所主大約
與伏龍肝相似而其用則少劣也凡血見灰見黑則
止蠱毒惡氣得辛溫則散故本經主蠱毒中惡吐血
血暈以酒或水細研溫服亦塗金瘡生肌止血也慎
勿入傅面瘡藥中其黑入肉如黥不能去也血暈宜
用米醋研服

硃砂作礪味鹹苦辛溫有毒不宜多服主積聚破結血爛



胎止痛下氣療欬嗽宿冷去惡肉生好肌柔金銀可爲

錐藥形如牙硝光淨者良

凡用水飛去塵穢入
瓷器中重湯煮乾

〔疏〕礪砂乃鹵液所結秉陰毒之氣含陽毒之精其味

極鹹極苦極辛氣溫有毒甄權酸鹹有大毒能消五

金八石腐壞人腸胃生食之化人心爲血其毒之猛

烈如此可畏矣其主積聚結血宿冷者以鹹能入血

軟堅辛能散結溫能除冷故也積聚散則痛自止氣

自下因寒以致頑痰壅結則欬嗽作故暫用以散之

柔金化石之性故能爛胎及去惡肉也金石見之卽

化其能生好肌乎此前人之誤耳

主治參互

普濟方損目生瘵赤肉弩出不退杏仁百粒蒸熟去

皮尖研濾取淨汁入礪砂末一分水煮化日點一

次自落 白飛霞方鼻中息肉礪砂點之即落此方

須入明礬牛黃鉛粉象牙末真珠末乃佳 集效方

面上疣目礪砂少許研砂鐵鏽麝香等分研搽三次

自落急以甘草汁浸洗

簡誤

案礪砂大熱有毒之物近出於唐世而方書不著古

人單服一味伏火作丸子亦有兼硫黃馬牙硝輩合

餌者不知方出何時殊非古法此物雖能攻積聚凝

結化有形癖塊然多食腐壞人腸胃觀其柔化金銀



銅錫及庖人煮硬肉入礪少許卽爛可以類推矣惟去惡肉及惡瘡息肉曰翳弩肉是其所長亦須與真牛黃龍腦鉛華象牙末等同用其內服諸方雖唐微已收附本艸末然服必害人命悉不敢載一名狹鹽一名北庭砂一名氣砂一名透骨將軍中共毒者生菜豆研汁一二升飲之畏漿水忌羊血

鉛丹味辛微寒主吐逆胃反驚癇癩疾除熱下氣止小便利除毒熱臍攣金瘡溢血鍊化還成九光久服通神

明自炒成者佳市中多
襍砂土礬紅不堪用

〔疏〕鉛丹卽熬鉛所作黃丹故其味辛氣微寒性應無毒鉛稟先天壬癸之氣得火成丹則又有靈通變化

之神其體重而降胃反吐逆火氣上升也驚癇癩疾
心氣虛怯也得潤下鎮重之性則火不上炎熱氣自
下心腎得交而前證除矣稟天一所生之氣故能除
熱毒及金瘡溢血也止小便利者心與小腸爲表裏
心神寧歛則小便自有節也臍攣者卽小兒臍風也
風熱入肝則筋自攣急辛寒鎮重能散風熱金液之
性能平肝木故主之也久服通神明者以其得先天
之氣故能鎮心安神也今世又用以解散熱毒長肉
去瘀治惡瘡腫毒及入膏藥爲外科必用之物

主治參互

單用傅瘡能止痛長肉生肌 入一切膏藥貼惡瘡

腫毒 仲景柴胡加龍骨牡蠣湯治傷寒八九日下

之胸滿煩驚小便不利譫語身重者鉛丹龍骨柴胡

牡蠣黃芩生薑人參桂枝茯苓各一兩半半夏二合

半大黃二兩棗六枚以水八升煮取四升內大黃更

煮一兩沸去查溫服一升 集驗方治吐逆不止碧

霞丹黃丹四兩米醋半升煎乾炭火三稜就銚內煨

紅冷定爲末粟米飯丸梧子大每服七丸醋湯下

劉涓子鬼遺方小兒瘰癧壯熱不寒黃丹二錢蜜水

和服冷者酒服名鬼哭丹 痘癰方痘癰生翳黃丹

輕粉等分爲末吹少許入耳內左患吹右右患吹左

子母秘錄小兒重舌黃丹一豆大安舌下 普濟

方小兒口瘡糜爛黃丹一錢生蜜一兩相和蒸黑每以雞毛蘸搽甚效 集玄方金瘡出血不止以藥速合則內潰傷肉只以黃丹滑石等分爲末傅之 陸氏積德堂方血風賺瘡黃丹一兩黃蠟一兩香油五錢熬膏先以葱椒湯洗貼之 集效方遠近賺瘡黃丹水飛炒黃檗酒浸七日焙各一兩輕粉半兩研細以苦茶洗淨輕粉填滿次用黃丹護之外以檗末攤膏貼之勿揭動一七見效

簡誤

吐逆由於胃虛及因寒發吐者皆不宜服

鉛味甘無毒鎮心安神治傷寒毒氣反胃嘔噦蛇蝎所

咬炙慰之

〔疏〕鉛稟先天壬癸之氣以生一者數之始水者物之初故曰天一生水中含生氣爲萬物之先金丹之母八石之祖五金之寶壬金爲清癸水爲濁清爲陽氣濁爲陰質陽氣爲生陰質有毒範以法象招攝陰陽烹煉得宜是成丹藥餌之仙去生氣之初味固應甘潤下之性無毒可知心藏神而法火寧謐則安妄炎則病重而潤下使水火既濟而不妄炎故主鎮心安神傷寒毒氣者卽陽證熱毒也先天眞水性含生氣而屬至陰故能解之也反胃嘔噦者火氣上浮陰陽將離故氣逆升而發嘔噦也茲得鎮墜以下之則陽

本草綱目 卷五
火歸元而前病自止矣蛇蝎之毒無非熱氣諸毒得水則解故亦主之也五行萬物之中能解一切毒氣者無過先天生氣土中冲氣鉛兼有之故爲解諸毒之首藥也

主治參互

黑鉛入養正丹治一切上盛下虛孤陽發越上浮煩躁面赤恍惚驚惕嘔吐反胃等證用此以鎮墜陽氣使火入陰分則上焦得寧而後可以隨證施治 入

黑錫丹治一切下元虛冷陽氣垂絕陰陽將離及沈寒痼冷諸病 聖濟錄治小兒驚熱心肺積熱夜臥多驚鉛霜牛黃各半分鐵粉一分研勻每服一字竹

瀝調下 普濟方驚風癇疾喉閉牙緊鉛白霜一字

蟾酥少許爲末烏梅肉醮藥於齦上指之仍吹通關

藥良久便開 聖濟錄治消渴煩熱鉛白霜枯白礬

等分爲末蜜丸芡實大綿裹含化嚥汁又方鉛白霜

一兩黃消石一兩爲末每冷水服一錢 喉痺腫痛

鉛白霜甘草各半兩青黛一兩爲末醋糊丸芡子大

每含嚥一丸立效 宣明方治口疳齦爛氣臭血出

不拘大人小兒鉛白霜銅綠各二錢白礬豆許爲末

掃之 普濟方梳髮令黑鉛霜包梳日日梳之勝於

染者

簡誤

鉛性沈重未經烹煉癸水之陰質尙存多服能損傷
心脾蓋金石與人身氣血異悟真篇云非類難爲巧
是已凡脾胃虛寒陽火不足飲食不化下部陰溼諸
證法咸忌之

粉錫味辛寒無毒主伏尸毒螫殺三蟲去鼈痕療惡瘡

墮胎止小便利

一名鉛粉一名胡粉一名官粉

〔疏〕粉錫陶隱居云卽化鉛所作胡粉也其味辛氣寒
無毒體用與鉛相似性善殺蟲故去伏尸三蟲鼈痕
寒能解熱毒故療惡瘡毒螫重而下降故能墮胎澀
而黏膩故止小便利甄權主積聚不消炒焦止小兒
疳痢藏器主久痢成疳和雞子白服以糞黑爲度皆

爲其消積殺蟲止痢也 附李時珍云胡粉卽鉛之
變黑爲白者也其用雖與鉛及黃丹同內有豆粉
粉襍之止能入氣分不能入血分此爲稍異人服食
之則大便色黑者此乃還其本質所謂色壞還爲鉛
也亦可入膏藥代黃丹用

主治參互

肘後方勞復食復欲死者水調胡粉少許與之 子
母秘錄小兒腹脹或腹皮青色不速治須臾死胡粉
鹽熬色變以摩腹上 救急方杖瘡腫痛水粉一兩
赤石脂生一錢水銀一分以麻油杵成膏攤油紙貼
之肉消者填滿緊縛 備急方陰股常溼胡粉摻之

邵真人方黃水膿瘡官粉煨黃松香各三錢黃丹

一錢飛礬二錢爲末香油二兩熬膏傅之 備急方

小兒疔瘡熬胡粉豬脂和塗 集簡方妒精陰瘡鈴

粉二錢銀杏七箇銅鈹內炒至銀杏黃去杏取粉出

火毒研搽效 聖惠方翻花惡瘡胡粉一兩臙脂一

兩爲末鹽湯洗淨傅之日五次 孫氏集效方血風

賺瘡官粉四兩水調入盃內以蘆艾燒煙熏乾入乳

香少許同研香油調作隔紙膏反覆貼之 千金方

小兒丹毒唾和胡粉從外至內傅之 又方瘡傷水

溼胡粉炭灰等分脂和塗孔上水卽出也 又方蠓

蝮尿瘡酢和胡粉塗之 直指方發背惡瘡諸癰腫

好錫粉二兩眞麻油三兩慢火熬以柳枝急攪至滴
水成珠入白膠香末少許入瓷器水浸二日油紙攤
貼名神應膏

簡誤

胡粉雖能消疔逐積殺蟲止痢然其性冷走而不守
脾胃虛弱者不宜用娠婦忌之

東壁土主下部瘡脫肛

〔疏〕東壁土先得太陽眞火之氣其氣溫和其味甘無
毒脾主四肢而惡溼下部生瘡溼氣侵脾也得陽氣
之壯故能燥溼除瘡脫肛亦大腸溼熱所致甘溫而
燥故亦主之藏器止洩痢霍亂煩悶者取其土能補

脾胃溫能和中也得太陽初氣能祛暑溼之邪故又
三溫瘧及猝中暑熱攪土漿與之即解

主治參互

甄權法同蜺殼爲末傅豌豆瘡 肘後方藥毒煩悶

欲死者東壁土調水三升頓飲之 通變要法解烏

頭毒不拘川烏草烏毒用多年東壁土泡湯服之

外臺秘腰肛門突出東壁土一升研末傅肛門頭出

處以長皂莢炙熟互熨之 氣味甘溫性無偏至故

不著簡誤

赤銅屑主賊風反折燒赤銅五斤內酒二斗中百遍服

〔疏〕赤銅屑日華子云苦平微毒亦能接骨理傷功用

與自然銅相等第其性有毒耳本經主賊風反折者
風氣通於肝肝屬木金能平之故也藏器曰赤銅屑
能鐸人骨及六畜有損細研酒服直入骨損處六畜
死後取骨視之猶有鐸痕可驗朝野僉載云定州崔
務墮馬折足醫者取銅末和酒服之遂瘥及亡後十
年改葬視其脛骨折處猶有銅束之也打熟銅不堪
用

銅青平微毒治婦人血氣心痛合金瘡止血明目去膚
赤息肉生銅皆有青青則銅之精華淘洗用

〔疏〕銅稟土中陰氣以生青則其英華秀出於外所結
凡銅入地久或沃以鹹酸之味乃生青其義可見矣

本經氣平無毒然觀今人用入吐風痰藥應是酸苦
澀之味而氣則微寒也酸入肝而主斂故能止血合
金瘡風熱入肝經則目生膚翳息肉或赤爛淚出苦
寒能除風熱則所苦去而目自明矣本經又主婦人
血氣心痛者蓋苦能泄結而平則又兼辛散之義也

主治參互

經驗方碧林丹治痰涎潮盛卒中不語及一身風癱
用生綠二兩研細水化去石慢火熬乾取辰日辰時
辰位上修合再研入麝香一分糯米粉糊丸彈子大
陰乾卒中者每丸作二服薄荷酒研下吐出青碧涎
瀉下惡物大效 又方口鼻疔瘡人中白一錢銅綠

三分研傅之 衛生易簡方爛弦風眼銅青水調塗
盃底以艾熏乾刮下塗爛處

簡誤

目痛膚翳不由風熱外侵而因於肝虛血少者非所

宜用

井底砂作泥至冷主治湯火燒瘡用之

〔疏〕井底砂稟地中至陰之氣味甘而大寒者也故本

經主湯火燒瘡用又能療妊娠熱病取傅心下臍及

丹田可護胎無失 肘後方臥忽不寤勿以火照火

照之殺人但痛嚙其踵及足拇指甲際而多唾其面

以井底泥塗其目令人垂頭於井中呼其姓名便甦

代赭石味苦甘寒無毒主鬼疰賊風蠱毒殺精物惡鬼
腹中毒邪氣女子赤沃漏下帶下百病產難胞衣不出
墮胎養血氣除五藏血脈中熱血痺血瘀大人小兒驚
氣入腹及陰痿不起

入藥煨赤醋淬三次研水飛過
用畏天雄附子乾薑爲之使

〔疏〕代赭石稟土中之陰氣以生本經味苦氣寒別錄
加甘無毒氣薄味厚陰也降也入手少陰足厥陰經
少陰爲君主之官虛則氣怯而百邪易入或鬼疰邪
氣或精物惡鬼或驚氣入腹所自來矣得鎮重之性
則心君泰定而幽暗破邪無從著矣其主五臟血脈
中熱血痺血瘀賊風及女子赤沃漏下帶下百病皆
肝心二經血熱所致甘寒能涼血故主如上諸證也

甘寒又能解毒故主蠱毒腹中毒也經曰壯火食氣
少火生氣火氣太盛則陰痿反不能起苦寒泄有餘
之火所以能起陰痿也重而下墜故又主產難胞不
出及墮胎也

主治參互

仲景旋覆代赭湯治傷寒汗吐下後心下痞鞭噫氣
不除者代赭一兩旋覆花三兩人參二兩生薑五兩
大棗十二枚半夏半升甘草三兩水一斗煮取六升
去滓再煮取三升溫服一升日三直指方急慢驚
風弔眼撮口搐搦不定代赭石火燒醋淬七次細研
水飛日乾每服一錢或半錢煎真金湯調下連進三

服兒腳脛上有赤斑卽是驚氣已出病當安也無者
不治如慢驚用冬瓜仁煎湯調亦妙 普濟方婦人
血崩代赭石煨爲末白湯服二錢

大簡誤

下部虛寒者不宜用陽虛陰痿者忌之

戎鹽味鹹寒無毒主明目目痛益氣堅肌骨去毒蠱心
腹痛溺血吐血齒舌血出一名胡鹽

一名青鹽

〔疏〕戎鹽稟水中至陰之氣凝結而成不經煎煉而生
於涯埃坂墳之陰其味鹹氣寒無毒入手足少陰經
經曰熱淫於內制以鹹寒血熱則目痛不明鹹寒能
入血除熱故主目痛明目也心腹痛者心虛而邪熱

客之也吐血齒舌上出血者火迫血妄行溢出於
也鹹主潤下俾火氣不上炎則有坎離交之象焉故
能主諸證也溺血者小腸熱也心與小腸爲表裏心
火降則小腸熱自除也經曰熱傷氣又曰腎主骨熱
則氣散骨消筋緩鹹能入腎寒能除熱故主益氣堅
肌骨也鹹爲水化諸毒得水則解故又能去毒蠱日
華子云助水臟益精氣除五臟癥結心腹積聚者取
其入腎及輭堅除熱之功耳

本主治參互

仲景金匱方戎鹽湯治小便不通用戎鹽彈丸大一
枚茯苓半斤白朮二兩水煎服之 唐氏經驗方風

熱牙痛青鹽一斤槐枝半斤水四盃煎汁二盃煮鹽
至乾炒研日用揩齒洗目 普濟方風眼爛弦戎鹽
水化點之 簡誤同食鹽

地漿寒主解中毒煩悶

〔疏〕地漿弘景云此掘地作坎以水沃其中攪令濁俄
頃取之以解中諸毒蓋取土爲萬物之母諸毒遇土
則化故也山中有毒葷人不識煮食之無不死又楓
樹葷食之令人笑不止惟飲地漿皆瘥餘藥不能救
也

主治參互

聖惠方熱渴煩悶地漿一盞飲之 千金方中暑霍

亂不吐不利脹痛欲死地漿三五盞服即愈大忌米湯
金匱方中閉口椒毒吐白沫身冷欲死者地漿
飲之集玄方中砒霜毒地漿調玄明粉服之立解

自然銅味辛平無毒療折傷散血止痛破積聚生邕州
山巖中出銅處於坑中及石間採得方圓不定其色青

黃如銅不從鑛煉故號自然銅

入藥火煨醋淬七次研細水飛過用

疏自然銅稟土金之氣以生故其味辛氣平無毒乃

入血行血續筋接骨之神藥也凡折傷則血瘀而作
痛辛能散瘀滯之血破積聚之氣則痛止而傷自和
也大明主消瘀血排膿續筋骨治產後血邪安心止
驚悸以酒磨服者可謂悉其用矣寇宗奭云有人以

自然銅飼折翅胡雁後遂飛去今人打撲損傷研細

水飛過同當歸沒藥各半錢以酒調服仍以手摩痛

處即時見效

地入主治參互

同乳香沒藥蟪蟲五銖古錢麻皮灰血竭胎骨作丸

黃煎當歸地黃續斷牛膝牡丹皮紅花濃湯送下治跌

山撲損傷或金刃傷骨斷筋皆效

自然簡誤

雷公云石髓鉛即自然銅也凡使勿用方金牙其方

金牙真似石髓鉛若誤餌吐殺人石髓鉛色似乾銀

泥味微甘也凡使中病乃已不可過服以其有火金



之毒走散太甚

梁上塵主腹痛噎中惡鼻衄小兒軟瘡

〔疏〕梁上塵乃是空中煙氣結成本經無氣味應是辛

苦之物辛能散苦能洩故主腹痛噎膈中惡也體輕而上騰故入肺味辛而清熱故又去鼻衄及小兒軟瘡也一名倒掛塵一名烏龍尾


主治參互

孫氏集效方喉痺乳蛾烏龍尾枯礬猪牙皂莢以鹽

炒黃等分爲末或吹或點皆妙 一法用燈心以鹽

中苦鹵浸過入雞子殼中煨存性取出研細加龍腦

香一二分研勻明礬末五分同梁上倒掛塵五分青



魚膽調點入喉治喉痺咽痛有效

礞石治食積不消留滯藏府宿食癥塊久不瘥及小兒食積羸瘦婦人積年食癥攻刺心腹一名青礞石

〔疏〕礞石稟石中剛猛之性體重而降能消一切積聚痰結其味辛鹹氣平無毒辛主散結鹹主軟堅重主墜下故本經所主諸證皆出一貫也今世又以之治小兒驚痰喘急入滾痰丸治諸痰怪證

苦主治參互

王隱君養生主論滾痰丸通治痰爲百病惟水瀉娠婦不宜服礞石燄硝各二兩煨過研飛曬乾一兩大黃酒蒸八兩前胡八兩沈香五錢爲末水丸梧子大

常服一二十九丸欲利大便則服一二百丸溫水下

簡誤

礞石消積滯墜痰涎誠爲要藥然而攻擊太過性復

沈墜凡積滯癥結脾胃壯實者可用虛弱者忌之小

兒驚痰食積實熱初發者可用虛寒久病者忌之如

王隱君所製滾痰丸謂百病皆生於痰不論虛實寒

熱槩用殊爲未妥不知痰有二因因於脾胃不能運

化積滯生痰或多食酒麪溼熱之物以致膠固稠黏

咯唾難出者用之豁痰利竅除熱泄結應如桴鼓因

於陰虛火炎煎熬津液凝結爲痰或發熱聲啞痰血

襍出者如誤投之則陰氣愈虛陽火反熾痰熱未退

而脾胃先爲之敗矣可見前人立方不能無敵是在
後人善於簡擇耳

麥飯石

〔疏〕麥飯石出自蘇頌圖經附於薑石條內因薑石有

疔腫之用故引及之其味氣必與薑石相似但得火
煨醋淬之後復有溫煖收斂之功昔呂子華秘方麥
飯石膏治發背瘡神效取此石碎如棋子炭火燒赤
投米醋中浸之良久又燒又浸如此十次研末極細
如飛塵鹿角一具連腦骨者二三寸截之炭火燒令
煙盡卽止白斂末與石末等分鹿角倍之用三年米
醋入銀石器內煎令魚目沸卽下前藥不住手攪熬

一二時稀稠得所傾出待冷以鵝翎拂膏於腫上

圍赤處中畱腫頭洩氣如未膿卽內消已作頭卽撮

小已潰卽排膿若病久肌肉爛落見出筋骨者卽塗

細布上貼之乾卽易逐日瘡口收斂但中膈不穴者

卽無不瘥已潰者用時先以猪蹄湯洗去膿血挹乾

然後上藥其瘡切忌手觸動嫩肉仍不可以口氣吹

風及腋氣月經孕婦見之合藥時亦忌此等初時二

日一換十日後二日一換此藥要極細方有效若不

細塗之卽痛也煨久亦無效臨用方煨煨過卽研若

飛塵一二兩可治一癰疽矣

花乳石主金瘡止血又療產婦血暈惡血出陝華諸郡

色正黃形之大小方圓無定欲服者當以大火燒之金瘡止血刮末傅之卽合仍不作膿潰或名花蕊石

〔疏〕花乳石本經無氣味詳其所主應是酸辛溫之藥其功專於止血能使血化爲水婦人血暈惡血上薄也消化惡血則暈自止矣以酸斂之氣復能化瘀血故傅金瘡卽合仍不作膿也

主治參互

葛可久十藥神書花乳石散治五內崩損噴血出升斗用此治之花蕊石煨存性研如粉以童子小便一鍾男入酒一半女入醋一半令溫食後調服三錢甚者五錢能使瘀血化爲黃水後以獨參湯補之按此

石性溫味辛又加火煨虛勞吐血多是火炎迫血土
行於藥性非宜除是膈上原有瘀血停凝者乃可暫
用亦須多服童便獨參湯乃肺熱咳嗽所忌尤不值
於虛勞內熱火炎之人戒之戒之 和劑局方花蕊

石散治一切金刃箭鏃傷及打撲傷損狗咬至死者
急以藥摻傷處其血化爲黃水再摻便活更不疼痛
如內損血入臟腑熱童便入酒少許熱調一錢服立
效 婦人產後敗血不盡血暈惡血奔心胎死腹中
胞衣不下至死但心頭溫煖者急以童便調服一錢
取下惡物愈若膈上有血化爲黃水卽時吐出或隨
小便出甚效用硫黃四兩花蕊石一兩並爲麤末以

膠泥固濟日乾瓦礫一箇盛之泥封口烘乾安在四方磚上磚上書八卦五行字炭一秤簇匝從巳午時自下生火煨至炭消冷定取出爲細末甕瓶收貯封固取用無時

簡誤

無瘀血停畱者不宜內服不由內傷血凝胸膈板痛而因火炎血溢以致吐血者忌之

蓬砂味苦辛煖無毒消痰止咳破癥結喉痺及錐金銀用一名鵬砂

〔疏〕蓬砂出於西南番採取煎淋而結亦如硝石礪砂之類本經味苦辛氣煖無毒然詳其用味應有鹹氣

亦微煖色白而體輕能解上焦胸膈肺分之痰熱辛
能散苦能洩鹹能軟故主消痰止咳喉痺及破癥結
也寇宗奭云含化嚙津治喉中腫痛膈上痰熱初覺
便治不能成喉痺也兼能去口氣消障翳除噎膈反
胃積塊瘀肉陰癩骨硬惡瘡折傷及口齒諸病

主治參互

同龍腦香人中白青黛爲末傅口舌瘡效 經驗方

咽喉腫痛破棺丹用蓬砂白梅等分搗丸芡子大每

嚙化一丸 集玄方小兒陰癩腫大不消鵬砂一分

水研塗之大效 直指方弩肉瘀突南鵬砂黃色者

一錢龍腦香少許研末燈艸醮點之

一簡誤

蓬砂其性能柔五金去垢膩剋削為用消散為能直
攻有餘難施不足此暫用之藥非久服之劑

鉛霜冷無毒消痰止驚悸解酒毒療胸膈煩悶中風痰

實止渴

一名鉛白霜用鉛襍水銀十五分之一
合鍊作片置醋甕中密封經久成霜

〔疏〕鉛霜乃鉛假汞氣交感因醋以拔其英華所結道

家謂之神符白雪其味甘酸氣大寒無毒凡中風驚

悸未有不因痰熱所生胸膈煩悶多渴亦火熱炎灼

所致甘寒能除熱生津則痰結消驚悸平風自愈也

其主解酒毒者亦取其除熱生津之意耳并治吐逆

鎮驚去怯黑鬚髮



主治參互

諸方俱見鉛條下

簡要濟眾治室女月露滯澀心

煩恍忽鉛白霜細研爲散每服一錢地黃汁一合調

下林十全普救方治鼻衄鉛白霜爲末取新汲水調

服一字

簡誤

鉛霜墜痰去熱定驚癇止吐逆皆有奇效然其性極冷非久服常用之物病已卽去之胃弱脾虛腸滑者不宜用風寒咳嗽多痰者并忌之

古文錢平治翳障明目療風赤眼鹽鹵浸用婦人橫逆

產心腹痛月隔五淋燒以醋淬用

疏古文錢其金毒火毒悉去性應平無毒而寇宗奭云古錢其銅焦亦有毒不知本艸內赤銅之毒已微况古錢又多於古穴坑塹中得之歷年既久毒性必失甚則有但存形質者其味辛氣平平即涼也目赤翳障肝經風熱也辛涼能散風熱則翳障赤痛除目自明矣婦人生產橫逆者血氣壅塞道路不開也心腹痛者亦氣血結聚也月隔者月事不來胞脈閉也五淋者衝任熱壅也此藥能走下焦陰分散凝滯之氣血開壅塞之道路則諸證無不除矣又能主跌撲損傷其為散凝滯之藥無疑

主治參互

同自然銅胎骨塵蟲血竭無名異黃荊子沒藥乳香
狗骨治跌撲損傷及金刃傷神效 青囊錄跌撲損
傷半兩錢五箇火煨醋淬四十九次甜瓜子五錢真
珠二錢研末每服一字好酒調隨上下食前後 古
方麥斗散治一切傷損自然銅煨一兩古文錢煨一
兩麝香五分爲末每服五分酒下

簡誤

其味辛涼但能治風熱眼有佐以薑汁點眼者卽從
治之意借其熱以拔出火毒也如肝腎虛而內障生
花者必不宜用